



Suo & Dnn. Scholarcharum nomine, Casparus Finckius Giessensis, SS.
Th. D. Generalis Superintendens &c. Studiosis Adolescentibus & viris in
urbe commorantibus honoratis ac literatis. S. P. P. : Favete linguis! ... P.P.
Coburgi, Anno 1617. die XXVI. Ianuarii

S. l.

Finck, Kaspar

Phil 2° 00268/02 (125)

https://dhb.thulb.uni-jena.de/receive/ufb_cbu_00006795

urn:nbn:de:urmel-8d4a8a8f-e42a-470c-a21f-6f7df7426d965-00006094-17

Lizenz: <https://creativecommons.org/publicdomain/mark/1.0/>



STUDIOSIS IN ACADEMIA JENENSI S.



BEati Lutheri hoc fuit consilium, ut quotannis certo & constituto die de tenebris Papalibus in publico conventu verba fierent, quâ ratione animos hominum, quibus beneficiorum divinorum citissimè obrepere solet oblivio, ex mutua tenebrarum illarum & lucis Evangelicæ collatione ad gratam summi illius beneficii agnitionem & celebrationem excitari posse, haud immeritò censuit. Quantò justius in Jubilæâ nostrâ festivitate superiorum temporum memoriam repetere convenit, quippe de quâ meritò usurpatur illud, quod in ludis secularibus Romanorum Præco voce publicâ edicere consueverat, eam scilicet esse talem, cujus similem nemo eorum, qui vivunt, viderit, neque in posterum etiam facile sit visurus. Constitui igitur perendie horâ nonâ matutinâ in Collegio majore de miserrimo Ecclesiæ sub Papalis Tyrannidis jugo laborantis statu oratiunculam habere stylo non oratorio sed Theologico & simplice contextam, ad quam audiendam Nobilissimos & Præstantissimos Dominos Studiosos humaniter invito, omnibus & singulis officia mea quovis tempore & loco paratissima vicissim offerens. P.P. Jenæ Dominicâ vestis nuptialis Anno 1617.

V.

JOH. GERHARD. D. & hoc tempore
Acad. Rector.



TYPIS STEINMANNIANIS.